

孫兆麟字雍時太學生性孝友四世一堂鄉黨謂有太邱之風

馬如忠農民年十七父德昌病久家貧無以供醫藥乃割右肱以進病亦旋瘳

金瀛超字友唐增生幼孤事母莫氏極孝每自塾中歸朝夕不離左右母七旬後雙目失明瀛超扶持搔抑至老彌篤後母年九十三卒哀號欲絕時瀛超年七旬孫曾繞膝意終不釋不一年病卒臨危猶呼其母而哭人皆稱其純孝云

沈鈺字魯帆性坦直篤于孝友常給繕田以撫族孤子雲

虬有聲庠序孫人驥登嘉慶己卯副車

沈慶增字德孚鳳輝子家貧力學父終撫弟讀書成立爲人剛直常面折人過而人無懟之者

勞嗣興字鉅文邑庠生至性過人執親喪終三年茹蔬不飲酒食肉生平課徒自給規行矩步無情容無妄言斤斤如也人以師行推之

施嵩字少峯敦孝友父歿數十年撫遺物猶淒然淚下與弟鍾成相愛生平誠一無僞雖受欺不計也性好施工詩善畫嘗施予不給賣畫以濟之著有少峯詩鈔等集

刊行

朱昆字秀岩好讀書少孤家貧無力購書多假于親故家
事繼母孝與弟崑終身不析箸生平篤于氣誼肯爲人
任勞怨有以事就質者雖婦穉必正對著有玉溪咫聞
玉溪漁唱等書

方薰字蘭坻性篤孝依父墓以居事繼母如所生生平慎
交游詩文相賞道義相勗遇疾病患難則多方計畫以
助之無德色耽繪事阮相國謂蘭坻山水花卉深得宋
元人秘法子廷瑚嘉慶戊辰舉人官平谷知縣

桐鄉縣

明

檀郁家貧少孤母汪孀居郁事之極孝母疾晝夜侍湯餌
不解帶夜則稽顙北辰求以身代母卒哀毀盡禮葬縣
治西北二里許山多石不可以穴郁徬徨悲泣焚香叩
神曰郁不孝使吾母葬無處所罪莫大焉神其牖之越
四日鄉人胡伯恭夢一人告之曰檀孝子有穴湧泉可
丈餘耳旣覺走語郁詢堪輿家無所謂湧泉穴者醫士
程伊聞之曰醫家有湧泉穴在足心意者山之麓乎因
求之果得土僅容棺母遂得葬郁廬其側哀慕如初喪
蓬首垢面三易寒暑山素無泉每食必下山取水後忽
有泉自石罅湧出直指使奏聞詔旌其門

張鵬字九萬少孤依兄鸞不析爨鸞倜儻負氣坐徭役
家卒鵬食貧無間言謹事孀嫂如母每出懷果食歸命
妻擇佳者先以奉嫂始終不怠以醫寓石門鎮嘯咏古
今陶然自適陳刑部謨狀其行事

張鯤清風鄉人孝友忠直遇事正言相解不徇人以非禮
桐鄉築城捐資助工邑令金燕高其義獎之後屢舉鄉
飲賓卒年八十三

甯冠性至孝祖母疾醫藥弗能愈冠割股肉以食之朱杲
字景陽號南松諸生母患心疾杲割股救治大吏俱表
其孝行

錢夢傳字季良夢得弟父宦歿長安扶柩歸里人謂柩在外不宜入門夢傳曰父死不及視含殮又不得成喪禮於敝廬於心何忍遂迎入堂哀毀盡禮以子允鯨貴贈如其官

陸天錫庠生天性至孝惟以順悅二親爲心父母病篤家居侍湯藥不應省試後父母相繼歿天錫日夕悲號致疾卒邑令表爲孝子

錢汝追字元同由諸生入太學工詩古文辭居家孝友歲饑發粟賑濟里人德之

湯日新諸生少有至性父歿廬墓側遺資悉讓其弟弟歿

代償積逋數百復無遺孤

仲應鶴字九霄性至孝萬厯末母周氏病割股肉爲羹以療張昭字允昭年十四父病危篤割臂肉一臠以進漸愈秘不與人言至孫曾始述其事

沈祐字天佑早年失怙事母不違色養母邁疾嘗藥滌滌顛天身代比執喪哀毀盡禮日暮不離殯側疏食水飲至毀瘠罔變督學徐某獎之兩姊早寡子並幼撫恤無間孤姪繼儒繼經方脫襁褓祿教誨鞠育逾於己子後二姪並餼邑校幼弟禧病八載親視湯藥無倦色後不起則又存恤其家俾弟婦邱賴以守節

鄭輿誦字覺初天性至孝語言色笑無不曲承親意中歲喪母事後母無異所生已而親故棄產營祖父宅兆四壁蕭然不顧也舉止端凝不妄發一語後學奉爲典型著作多散失

邱雲字季心館穀以養親崇禎庚辰歲凶越三載弗稔貧益甚時父已歿母尚存雲旅食念其母未嘗飽每數日弟來告匱雲竭力經營俾得歸以養母又捐所食之半以食弟主人聞之益殮飯必辭蓋不忍弟之不食而去而又不欲以弟之故累人也

毛文耀性孝友父病籲天請代委曲盡色養崇禎甲戌學

道黎元寬給匾嘉獎

夏儒字良聘號雲泉事父母孝視膳嘗藥有恆度弟妹俱幼撫育成立居鄉不談人過不立崖岸間爲解紛是非斬然不爽客醉忘金去封檢如故悉返之旣以子貴受封不輕乘軒謁郡邑延舉鄉飲賓輒辭之

沈照字日亭自幼孝友長而好施尤潛心理學學者奉爲師範以子雲從貴贈奉直大夫桐邑之士請于督學祀于鄉

葉維幹字始元明季與兄諸生維翰並隸復社有雙溪二葉之目屢躋省闈獨守遺經爲士林模楷三以鄉飲禮

薦卒不赴

邱顛字伯岳躬耕事大父及父歿資其弟三人讀書不

替家學孝友純篤稱於鄉

國朝

鍾聲閬字青雷父廷耀官靈山丞留欽州旁城島罹寇難

一死聲聞悲痛終身發為詩文多沈鬱慷慨隱居濮院以

課徒終

沈樾順治間父病藥治不效樾割股肉和藥病愈母患目

疾樾以舌舐目復明邑令劉永吉書額獎之

濮宗字澹軒順治初室遇火入煙燄中扶二親以出耽詩

好友有半間樓浣雪居月巢蘧園諸刻人多購之

鄒璜字待聞幼事母孝能急朋友之難順治戊子舉人選
仁和訓導修學宮及琢玉亭較藝其中從遊者衆卒祀
鄉賢

張嘉玲字佩蔥執父喪三日不食小祥之內疏食水飲菜
果不入口三年之中衰麻不去身未嘗沐浴入內室連
遭八喪一身任之弟嘉瑾字宣城行與之同友愛尤至
施國楨庠生敦品節兄弟四人至老不析箸嘗鬻奩田爲
季弟完姻出內資嫁兄女獨力葬親不取助於兄弟

朱承慶字寧宇事父色養兼至垂髫喪母每當節序薦時

食輒涔涔淚下性好施饑者推食寒者解衣遇比閭族黨之死喪患難尤加意賑之康熙四年舉鄉飲賓

錢枋字爾載庠生工詩古文遊京師爲名公鉅卿傾倒性孝友讓產于堂弟宗族中近支之不能葬者葬之

施永譽字季璠事父孝明季兵亂適父病負匿雖當流離時必竭力以進甘旨學使者鄭開極表其閭

孔尚忠字明凡事父孝待羣從子姪以恩好解紛釋難有不能婚者助之死者糶之郡縣兩舉鄉飲賓康熙九年大水勸募賑粥活民甚衆巡撫范承謨行縣給帖以獎年八十八無疾而終

李尚白成德子康熙庚戌水災能繼父志捐賑鄰里年九十子逢源有聲鬻序年七十舉鄉飲賓堅辭不赴

魏雲瞻性至孝父疾藥不能效雲瞻顛天割股以進父尋愈年三十七卒范文裕母病篤割股以進得愈邑令俱獎之

張景會字行表父賁自杭遷桐性至孝父徙邊累往省視及歿步行萬里負骨歸葬有張孝子之目

錢天濟字幼南居家友愛姪某年近五旬艱嗣濟出資買妾生子年八十舉鄉飲賓

李元字明山母及氏病劇元禱天願割心肝療母農家無

利刃再割得肝少許又割之乃肺一葉天忽開竅耳中
聞音樂聲地下有聲如雷目見鬼神羅列左右瘡口不
能合遇一道者療治竟愈次年大旱惟孝子一方前後
得雨倍收康熙壬戌巡撫李某廉得其事 旌表給衣
頂

于道珍字孔嘉事親以孝聞父病醫莫能治道珍割股以
療之姪繼昭字日常父病篤亦割股和藥以進病遂霍
然

陳之煌字且明孝於親友於弟弟歿遺婦馬力存恤之類
以安節舉鄉飲郡守張照乘贈年高德劭額

田尚志性至孝多隱德康熙丙午年逾百歲學博郭宗儀
給額曰德壽垂芳

任時慶字君善父易初自休寧遷桐鄉性孝友同懷六人
養生送死皆慶獨任兄子甫七月而孤撫逾已出適爲
盜掠慶曰我兄早世嗣息僅存遂傾囊贖歸次兄得瘋
疾醫藥不衰子姪林立尚未析箸

孫嘉麗字爾宣性孝友爲築園亭以娛親嘗刻清夜鐘并
邵康節孝悌詩以勵俗子起鰲爲仁和訓導修學造士
得義方之訓居多

張侶韓字季友庠生早孤事母至孝撫弟妹經營婚嫁盡

友愛之義居鄉遇旱潦率先救護歲祲設法助濟力學
未售卒

俞廷謨字介山諸生行止端方居家教倫睦族教子孫以
讀書明理爲要屢舉鄉飲介賓

沈元楷字君瑞性純孝康熙乙未冬父亮彩患瘧勢不起
楷日夕憂傷湯藥罔效因夜禱竈神割股和藥以進後
元楷生三子皆以孝謹稱

唐廷黻字嘉侯號省齋諸生重孝友嗜詩書生平無一欺
人語遠近咸敬禮焉康熙四十二年舉鄉飲賓

楊大中字靜思年十五剗臂療母疾母愈見創詢之泣相

兒知母疾之痛不知兒之痛也後父病篤不解帶者五十餘日籲天求代父疾尋瘥大中竟以憂瘁卒

查魏旭字次谷康熙癸酉副榜父繼甲爲隆安知縣卒於任值吳逆之亂道路隔絕踰二年訃聞魏旭號泣卽日隻身就道跪母前訣別曰兒去萬里出入兵間得達父櫬所萬幸能扶父櫬歸尤萬幸否則流落瘴鄉守死父櫬旁母侍奉有兄弟在勿以爲念遂行及漢陽遇賊掠捶楚無完膚又經全州寒水橋失足墮河若有掖之者浮髮水面遂遇救得不死又一夕行永州慕古山中時昏黑草木叢雜不辨徑路聞狼嗥虎嘯聲信足奔屢蹶